

Ingoa: _____ Rangi: ____/____/____

Kānga Pungarehu

Nā Tunisia Shepherd

Whatukura

Tērā te wā, i a mātau e tamariki ana, ko te kai tino reka ki ahau ko te kānga pungarehu. Kia whai haere i tā mātau mahi, kua mārama koe he aha i kīa ai he kānga pungarehu.

Ko tā mātau tō tunu kai, he tō tahu wahie. Tahua ai ngā wahie i roto i tētahi wāhanga o te tō. Ko te wera mai i ngā wahie te kaitunu i ā mātau kai. Koia nei te tuatahi o te mahi kānga pungarehu.

I te ata o muri mai, ka tangohia ngā pungarehu katoa. Ka tātarhia ngā pungarehu i roto i te hītari, kia taka ai te rehu. Me miri i ngā kānga. Mutu ana, kua raua ngā patapata kānga ki roto i te kōhua. Ka makaia te rehu me te wai ki roto, ā, ka tāmoea.

I te wā kua pupuhi ngā kānga, kua ngohengohe, anā kua maoa, tāhorotia te wai ki waho, kua opeopetia mō tētahi wā roa, kua mā ngā kānga, kua taka ngā kiri, kua puata te wai. Ka whakakī anō i te kōhua ki te wai, kia rumaki ngā kānga. Ka rui i te huka ki roto, ka tao anō kia koropupū te wai.

Ko taku tino hiahia kia mōhio katoa te ao i tēnei momo kai. Kātahi nei te kai reka rawa atu i te ao ko te kānga pungarehu!